



INPUT
www.inputcentar.com

mladi MBI instrukcije
putovanja baza NVO online aktivizam
praktični kursevi
tenisni projekti programiranje
web dizajn start up
volontiranje edukacije
kreativne radionice info za mlade
debate radionice



GODIŠNJI NARATIVNI IZVJEŠTAJ 2024. GODINE

SADRŽAJ

| | |
|----------------------------------|----|
| 1. O NAMA | 3 |
| 2. AKTIVNOSTI U JANUARU | 5 |
| 3. AKTIVNOSTI U FEBRUARU | 6 |
| 4. AKTIVNOSTI U MARTU | 9 |
| 5. AKTIVNOSTI U APRILU | 10 |
| 6. AKTIVNOSTI U MAJU | 11 |
| 7. AKTIVNOSTI U JUNU | 12 |
| 8. AKTIVNOSTI U JULU | 14 |
| 9. AKTIVNOSTI U AUGUSTU | 18 |
| 10. AKTIVNOSTI U SEPTEMBRU | 20 |
| 11. AKTIVNOSTI U OKTOBRU | 22 |
| 12. AKTIVNOSTI U NOVEMBRU | 24 |
| 13. AKTIVNOSTI U DECEMBRU | 27 |



Pregled ključnih aktivnosti, postignuća i projekata, s fokusom na doprinos mladima i zajednici te uticaj obrazovnih, društvenih i volonterskih inicijativa na razvoj vještina mladih.





O NAMA

CENTAR ZA MLADE INPUT

Mi smo dinamična organizacija koja predstavlja centar za okupljanje, učenje i inspiraciju mladih. U našem prostoru, svaki mladi pojedinac ima priliku razviti svoje talente, pronaći podršku i sudjelovati u raznovrsnim programima i aktivnostima.

Centar za mlade INPUT je organizacija koja se bavi edukacijom i podrškom mladih kroz inovativne i interaktivne programe. Fokusirani smo na razvoj vještina u oblasti tehnologije, STEM-a (nauka, tehnologija, inženjerstvo i matematika), grafičkog dizajna, jezika i društvenog aktivizma. Centar pruža priliku mladima da kroz kurseve, radionice i projekte razvijaju kreativnost, kritičko razmišljanje, timski rad i komunikaciju.

Aktivni smo u zajednici, organizujemo volonterske akcije, učestvujemo u lokalnim i međunarodnim projektima, i saradujemo s drugim nevladinim organizacijama. Takođe, nudimo prostor za druženje, razmjenu ideja i realizaciju inovativnih projekata, čime mladima omogućavamo platformu za rast i afirmaciju.

Programi su prilagođeni različitim uzrastima i nivoima znanja, od osnovaca do mladih profesionalaca, a tim stručnih mentora pruža podršku u svakom koraku. Centar za mlade INPUT je mjesto gdje se mladi inspirišu, povezuju i pripremaju za buduće izazove.






O NAMA

MISIJA

Misija Centra za mlade INPUT je višeslojna i duboko ukorijenjena u vrijednostima osnaživanja, obrazovanja i angažmana mladih. Težimo omogućiti mladima dostojanstven život u budućnosti, pružajući im alate, resurse i podršku koja im je potrebna da ostvare svoje ciljeve i ambicije. To znači pružiti im kvalitetno neformalno obrazovanje koje će im otvoriti vrata ka svijetu mogućnosti, osigurati im prava na sve društvene tokove i podržati ih u njihovim ambicijama i snovima.

VIZIJA

Naša vizija je jednostavna, ali moćna – pružiti mladima priliku da steknu nova znanja, da ih dijele s drugima i da im budemo podrška i “vjetar u leđa” dok kroče putem prema budućnosti. Učimo ih da se osnaže, da se angažiraju u svojim zajednicama i da prepoznaju svoju ulogu u oblikovanju boljeg sutra. Naša vizija je da mladi prepoznaju svoju ulogu u društvu kao pokretači promjena i lideri budućnosti. Vjerujemo da svaki mladi čovjek ima neograničen potencijal, a naš zadatak je da im pomognemo da taj potencijal ostvare na najbolji mogući način.



AKTIVNOSTI U JANUARU

WEB DEVELOPMENT OBUKE NA INPUT ACADEMY

U januaru smo započeli temu JavaScript uz gostujućeg predavača, inženjera informatike Alana Alića. Naši polaznici su pokazali izuzetan entuzijazam, volju za učenjem i želju za napredovanjem. Praktični primjeri bili su pažljivo osmišljeni kako bi omogućili polaznicima da usvoje i primijene JavaScript vještine u realnim okruženjima. Zahvaljujemo inženjeru Aliću na izvanrednom predavanju i motivaciji koju je donio, čime smo postavili temelje za izuzetne rezultate.



CENTAR ZA MLADE INPUT NA OBUCI - "PRATIMO TENDERE"

Predstavnici Centra za mlade INPUT učestvovali su na obuci u okviru projekta "Pratimo tendere," organizovanog od strane Transparency International BiH i CRMA. Obuka je pružila znanja i alate za praćenje javnih nabavki i jačanje transparentnosti, omogućivši Centru aktivnije uključivanje u borbu protiv korupcije i izgradnju odgovornijeg društva.



OSNAŽIVANJA MLADIH DJEVOJAKA U ZAJEDNICI

Sa voditeljicom projekta iz Reaktiva, Amrom Smriko, djevojke su se upoznale s radom Centra za mlade INPUT i STEM Centra te otkrile fascinantne mogućnosti koje IT sektor pruža mladima.



DONACIJA ZA MERHAMET RO ZENICA

U okviru aktivnosti INPUT Academy - Web Development, polaznici su uz učenje osnova web programiranja pokazali humanost donirajući sredstva Merhametovoj kuhinji, što su predstavnici Centra Adi Salčinović i Amer Alić uručili direktorici Merhameta Zenica.



AKTIVNOSTI U FEBRUARU

USPJEŠNO ZAVRŠEN KURS WEB DEVELOPMENTS

Kurs Web Developenta u okviru INPUT Academy, održan od decembra 2023. do januara 2024., uspješno je završen. Polaznici su savladali vještine uz mentorstvo Amera Alića i gostujuće predavače, pokazavši izuzetnu predanost.

DRAMSKA SEKCIJA U CENTRU ZA MLADE INPUT

Vikend u Centru za mlade INPUT bio je poseban za mlade gimnazijalce koji su svoje vrijeme proveli u društvu članova dramske sekcije JU Prva gimnazija Zenica. Kroz zajedničko učenje, kreativne aktivnosti i druženje, učesnici su razvijali svoje talente, razmjenjivali ideje i jačali prijateljske odnose u poticajnom okruženju.



MENTORSKI PROGRAM U CIVILNOM DRUŠTVU



Adi Salčinović iz Centra za mlade INPUT učestvovao je na radionici "Mentorski program u civilnom društvu," gdje će narednih šest mjeseci saradivati s mentoricom Marinom Jovović iz Udruženja SOC.

INSTRUKTIVNA NASTAVA ZA DJECU I MLADE U JU "DOM I PORODICA" ZENICA

U okviru After school programa u JU "Dom i porodica" Zenica, kontinuirano organizujemo instruktivnu nastavu za djecu i mlade. Fokus je na STEM aktivnostima, programiranju i razvoju kritičkog razmišljanja kroz interaktivne i zabavne edukativne metode koje podstiču kreativnost i radoznalost kod učesnika.



AKTIVNOSTI U FEBRUARU

MEĐUNARODNI DAN DJECE OBOLJELE OD RAKA



Međunarodni dan djece oboljele od raka, 15. februar, Centar za mlade INPUT obilježio je zajedno s LC BoHeMSA Zenica i djecom iz JU "Dom i porodica" Zenica. Cilj je bio podizanje svijesti o izazovima oboljele djece te naglašavanje potrebe za ravnopravnijim pristupom liječenju i podršci za sve pogođene.

CENTAR ZA MLADE INPUT U GIMNAZIJI VISOKO

Posjetili smo Gimnaziju Visoko kako bismo motivirali učenike prvog i trećeg razreda da se uključe u aktivizam, volonterizam te odaberu karijere u IT-u i STEM oblastima.



STEM MAKERSPACE LAB POSTAJE STVARNOST

Od jula 2023. godine, Centar za mlade INPUT, u saradnji s Fondacijom Tuzlanske zajednice i uz podršku USAID-a, aktivno radi na prikupljanju sredstava za projekt koji omogućava edukaciju i prekvalifikaciju štitičenika JU "Dom porodica" Zenica. Kroz STEM radionice, obuke i praktične aktivnosti, djeca i mladi se pripremaju za izazove budućnosti.



STEM MAKERSPACE LAB U NAPRETKU

Aktivnosti na uređenju STEM MAKERSPACE LAB u JU "Dom-porodica" Zenica napreduju. Danas smo obavili dubinsko čišćenje stolica, pripremajući prostor za rad. Zahvaljujemo našem prijatelju Senadu Alijagiću na vrijednom doprinosu ovom projektu. Ovaj prostor će podržati djecu i mlade u njihovom razvoju i kreativnom učenju u STEM oblastima.



AKTIVNOSTI U FEBRUARU

REZULTAT PROJEKTA “LOKALNI OMLADINSKI SERVISI”

Dinka i Azra pohađaju sekciju Klub ljubitelja stranih jezika, gdje uče italijanski jezik u okviru projekta Lokalni omladinski servisi. Ovaj projekat je pokazao interes mladih za aktivizam i prenošenje znanja, a posebno čestitamo volonterkama Centra za mlade INPUT, Azri i Dinki, te njihovim profesorima iz Druga gimnazija Zenica.



NVO SUSRET - SVJESTKI DAN NEVLADINIH ORGANIZACIJA



Centar za mlade INPUT organizovao je 27.02.2024. godine događaj "NVO susret" povodom Svjetskog dana nevladinih organizacija. Cilj susreta bio je promovirati rad nevladinih organizacija u Zenici, razmijeniti iskustva, umrežiti se i raspravljati o njihovim potrebama, statusu i finansiranju, te istaknuti njihovu važnost za zajednicu. Događaj je omogućio diskusiju o izazovima i jačanju saradnje nevladinih organizacija na lokalnom nivou.

POČETAK PRIČE O UDRUŽENJU MLADIH INPUT

Na današnji dan, 28. februara 2009. godine, osnovano je udruženje mladih INPUT u Zenici i Zeničko-dobojskom kantonu. Grupa entuzijastičnih mladih ljudi okupila se s jasnim ciljem – pružiti priliku mladima za učenje, razvoj i sticanje novih vještina. Početna ideja bila je organizacija edukativnih programa iz oblasti informacionih tehnologija, stranih jezika i drugih korisnih vještina. Kroz godine rada, organizacija je postala ključni faktor u obrazovanju i aktivizmu mladih, okupljajući oko 28.000 djece i mladih kroz razne aktivnosti, radionice, projekte i događaje koji su doprinosili njihovom osobnom i profesionalnom razvoju.



AKTIVNOSTI U MARTU

DAN NEZAVISNOSTI BIH U JU "DOM PORODICA" ZENICA

Predstavnik Centra za mlade INPUT, Adi Salčinović zajedno sa volonterkama Vildanom, Aidom i Aidom posjetili su povodom 1. marta Dana nezavisnosti Bosne i Hercegovine JU "Dom porodica" Zenica gdje smo se družili i zabavili sa djecom i mladima pomenute ustanove. Djeca sa svojim vaspitačima i uposlenicima JU "Dom porodica" Zenica pripremili su divan program koji je ispunio naša srca toplinom i osmijehom.



MEĐUNARDONI DAN ŽENA U JU "DOM ZA STARA LICA" ZENICA



S radošću smo posjetili JU "Dom za stara lica" u Zenici povodom Međunarodnog dana žena. Naše divne volonterke iz Centra za mlade INPUT su podjelile kolačiće s čestitkama za sve divne dame u domu. Bilo je predivno vidjeti osmijehe na njihovim licima! Ovaj mali gest pažnje dodatno je uljepšao njihov dan i pokazao im koliko su voljene i cijenjene.

TRADICIONALNI IFTAR U JU "DOM PORODICA" ZENICA

U organizaciji Adija Salčinovića i Centra za mlade INPUT, u JU Domu porodica Zenica, održan je već tradicionalni iftar koji je okupio djecu i mlade. Atmosfera je bila izuzetno srdačna, a djeca su bila oduševljena što smo s njima iftarili.



STIPENDISTI FONDACIJE HASTOR U INPUTU



Stipendisti Fondacije Hastor zajedno sa svojim koordinatorom Zinedinom proveli su subotu u našim prostorijama, učeći nova znanja i vještine. Drago nam je što mladim i produktivnim osobama možemo biti podrška.

AKTIVNOSTI U APRILU

OMLADINSKI IFTAR ZA VOLONTERKE I VOLONTERE CENTRA ZA MLADE INPUT



Posebnost i jedinstvenost mladih u Centru za mlade INPUT ogleda se i u Ramazanskim danima. Jedan dio volontera Centra se organizovao kako bi pripremili i održali zajedničke iftare, uz druženje i međusobnu podršku.

DAN DJEVOJAKA U IKT-U

Tema ovogodišnjeg programa bila je posvećena djevojkama u IKT-u i STEM području. Kroz inspirativne radionice, djevojke su imale priliku zaroniti u svijet programiranja, 3D modeliranja i printanja, te raditi s 3D olovkama.



INFORMISANJE JAVNOSTI I ODNOS SA MEDIJIMA



DIGI:MON - „START UP“ RADIONICA



Predstavnik Centra za mlade INPUT, Adi Salčinović je učestvovao na dvodnevnoj „Start up“ radionici zajedno sa predstavnicima organizacija civilnog društva s ciljem umrežavanja, procjene organizacijskih i individualnih kapaciteta.

Predstavnik Centra za mlade INPUT učestvovao je na radionici pod nazivom "Informisanje javnosti i odnos sa medijima". Teme su bile strategijame efikasnog komuniciranja s javnošću, tehnike saradnje s medijima, te o važnost transparentnosti i profesionalnosti u predstavljanju organizacije.

EDUKACIJA ČLANOVA INPUT-A

Dva člana Centra za mlade INPUT, Nadina Kolić i Adi Salčinović, uspješno su završili trening programa za rad sa mladima iz oblasti životnih vještina, vještina zapošljivosti i savjetovanja - YEEP program, u organizaciji SOS Dječija sela BiH - Regionalnog Projekta YEEP.



AKTIVNOSTI U MAJU

EDUKACIJA ZA CNC OPERATERA



Počela je edukacija za CNC operatera, Centra za mlade INPUT u saradnji sa Centrom za obrazovanje odraslih ALGEBRA ZNANJA iz Travnika! Tokom edukacije, polaznici će savladati teorijske osnove i praktične vještine rada na CNC mašinama, što će im omogućiti konkurentnost u industrijskom sektoru i otvoriti vrata ka novim profesionalnim prilikama.

CENTAR ZA MLADE INPUT POSJETIO CENTAR ZA OBRAZOVANJE ODRASLIH "ALGEBRA ZNANJA" U TRAVNIKU

U okviru obuke za CNC operatera 28. maja 2024. godine, Centar za mlade INPUT je posjetio Centar za obrazovanje odraslih "Algebra znanja" u Travniku. Naši polaznici imali su priliku primijeniti svoje znanje i vještine stečene tokom prakse u realnim uslovima, koristeći profesionalnu CNC mašinu. Polaznici su se suočili sa izazovima napredne tehnologije i uspješno su izradili svoje radove.



PRAKSA 2024 - SOFTVERAŠI



U prostorijama Centra za mlade INPUT smo krenuli sa novom generacijom praktikanata sa Politehničkog fakulteta odsjek Softversko inženjerstvo. Održali smo konstruktivan razgovor i upoznavanje a u narednih mjesec dana krećemo sa praktičnim radom i konkretnim rezultatima.

"NETSHIELD" - BORBA PROTIV NASILJA DJECE I MLADIH NA INTERNETU



U okviru glavnog projekta "Ujedinjeni u vjeri za zaustavljanje nasilja nad djecom i rodno zasnovanog nasilja", Centar za mlade INPUT provodi svoj mini projekta "NetShield" - borba protiv nasilja djece i mladih na internetu u gradu Zenica. Tim povodom Centar za mlade INPUT je posjetio učenike OŠ "Mak Dizdar" kako bi zajedno stali protiv nasilja nad djecom i rodno zasnovanog nasilja.

AKTIVNOSTI U JUNU

POSJETA INSTITUTU ZA RAZVOJ MLADIH KULT

Centar za mlade INPUT imao je priliku provesti inspirativan dan u prostorijama Instituta za razvoj mladih KULT! Naši predstavnici su su podijelili svoja iskustva i razmišljanja o radu nevladinog sektora, aktivno učestvovali u sesijama, postavljali pitanja o radu Instituta i razmotrili primijenu novih praksi u našem budućem radu.



PRAKTIKANTI CENTRA ZA MLADE INPUT POSJETILI IT FIRME!



Studenti Politehničkog fakulteta, odsjek Softversko inženjerstvo, koji obavljaju praksu u Centru za mlade INPUT, posjetili su firme članice Bit Alliance u Sarajevu: Atlantbh, HulkApps, Zira, Kodeks i Ministry of Programming. Ova posjeta im je omogućila da steknu dragocjeno praktično iskustvo i uvid u rad vodećih IT kompanija.

CENTAR ZA MLADE INPUT NASTAVLJA BORBUNO PROTIV NASILJA NA INTERNETU

Centar za mlade INPUT posjetio je učenike OŠ "Skender Kulenović" Zenica kako bi zajedno podigli svijest i spriječili nasilje nad djecom i rodno zasnovano nasilje, kroz svoju inicijativu "NetShield". Učenici su s velikim interesovanjem učestvovali u razgovoru o ovoj važnoj temi.



USPJEŠNO ODRŽANA EDUKACIJA NA TEMU "EDUKACIJOM DO PROJEKTNIH FONDOVA! - ŽENE U PISANJU PROJEKATA"



U prostorijama Centra za mlade INPUT, održana je edukacija, koju je vodio iskusni predavač sa dugogodišnjim iskustvom u nevladinom sektoru Adi Salčinović, okupila je brojne polaznice koje su bile oduševljene prilikom da nauče osnovne stvari o pisanju projekata. Projekat je potekao od Jasmine Osmančević, polaznice Akademije demokratije za žene, koju organizuje udruženje Žene za žene International uz finansijsku podršku NED

AKTIVNOSTI U JUNU

IMPLEMENTIRAN PROJEKT "JAKA ŽENA = SRETNA ŽENA"

U prostorijama Centar za mlade INPUT, Zenica, održana je edukacija u okviru projekta, a predavači su bili Sabahudin Ibrahimagić direktor kantonalnog ureda Porezne uprave FBiH i Hidajet Kaplan, direktor poslovnice BBI banke. Cilj ovog projekta bio je upravo doprinijeti finansijskom opismenjavanju i ekonomskom osnaživanju mladih žena u BiH. Tokom edukacije, učesnice su imale priliku naučiti o osnovnim finansijskim pojmovima, ekonomskom osnaživanju i važnosti finansijske pismenosti.



OSVRT NA DAN OTVORENIH VRATA U CENTRU ZA MLADE INPUT!



Povodom Dana otvorenih vrata Centra za mlade INPUT ugostiti nova, ali i poznata lica u našim prostorijama. Posebno nas je obradovao dolazak RTV ZENICA koji su zabilježili ovaj poseban dan. Naš izvršni direktor, Adi Salčinović, dao je izjavu i pozvao sve gledaoce malih ekrana da posjete Centar za mlade INPUT i upoznaju se s našim radom i aktivnostima. Entuzijazam i zainteresiranost naših gostiju su nam pokazali koliko je važno ono što radimo.

SPJEŠNO ZAVRŠENA PRAKSA I PODJELA POTVRDA U CENTRU ZA MLADE INPUT

Studenti Politehničkog fakulteta, odsjek Softversko inženjerstvo, uspješno su završili praksu u Centru za mlade INPUT! U toku prakse studenti su radili na inovativnim projektima i usavršavali svoje vještine. Svečana podjela potvrda održana je uz prisustvo dekana Prof. Ph.D. Samira Lemeša i prodekana V.Prof.Dr. Nevzudina Buzadžije, koji su proslavili uspjehe naših praktikanata zajedno s nama. Studenti su prezentovali svoje projekte i podijelili utiske o praksi. Posebno su istakli korisnost praktičnog iskustva i mentorsku podršku.



AKTIVNOSTI U JULU

CENTAR ZA MLADE INPUT NA YOUTHSPEAK FORUMU

Centar za mlade INPUT je s ponosom učestvovao na ovogodišnjem YouthSpeak Forumu, koji se održao 29. juna 2024. godine u Domu mladih u Sarajevu. Ovaj događaj okupio je mnoštvo mladih ljudi iz cijele regije, pružajući im priliku da se uključe u raznovrsne zanimljive aktivnosti i radionice. Naš tim je posebno ponosan na svoje učešće u radionici "Grow with TELUS International," koja je bila usmjerena na prepoznavanje "red flags" u radnom okruženju.



ODRŽAN PRVI ČAS KURSA ENGLESKOG JEZIKA!



Uspješno održan prvi čas našeg kursa engleskog jezika za djecu uzrasta od 7 do 10 godina! Naši mali polaznici su bili izuzetno entuzijastični i puni energije. Kroz metodu TPR i zabavne igre, već na prvom času su počeli usvajati osnovne riječi i fraze na engleskom jeziku. Atmosfera je bila pozitivna i vesela, a djeca su se brzo sprijateljila i zajedno učila kroz igru. Ponosni smo na njihovu motivaciju i aktivno učešće!

LJETO U INPUT-U JE POČELO!

Naše aktivne volonterke Naida i Esma provode svoje ljetne dane u Centru za mlade INPUT, izražavajući svoju kreativnost kroz umjetnost. Njihova posvećenost i strast donose novu energiju u naš prostor i inspirišu sve nas. Kreativne radionice koje vodimo nisu samo prilika za izražavanje talenta, već i za međusobno povezivanje, učenje novih tehnika i razvijanje zajedničkog duha. Naše volonterke pokazuju nevjerovatnu energiju i talent, stvarajući djela koja ostavljaju bez daha.



AKTIVNOSTI U JULU

STEM MAKER SPACE LAB

Centar za mlade INPUT uskoro privodi kraju aktivnosti projekta STEM MAKER SPACE LAB u JU "Dom porodica" Zenica. Naša želja je osigurati djeci ove ustanove prostor opremljen IT i STEM opremom, uključujući računare, 3D printere, mini CNC mašine. Kroz kvalitetne edukacije želimo ih pripremiti za budućnost!



NOVE PRAKTIKANTICE U CENTRU ZA MLADE INPUT



Naše nove praktikantice, studentice druge godine Softverskog inženjerstva s Politehničkog fakulteta, započele su svoju praksu! Tea i Samra su svoju predanost, entuzijizam i radnu etiku pokazale već u prvim danima svog angažmana.

PROGRES U OPREMANJU STEM MAKERSPACE LAB PROSTORIJE U JU "DOM-PORODICA"!

Radovi na opremanju STEM MakerSpace Lab prostorije u JU "Dom-porodica" napreduju punom parom! Ovaj projekat, kojeg provodi Centar za mlade INPUT, pružit će djeci iz doma priliku za sticanje novih znanja i vještina u STEM oblastima (nauka, tehnologija, inženjerstvo, matematika). Realizacijom projekta "STEM MakerSpace LAB" omogućavamo djeci i mladima nesmetano usvajanje znanja i unapređenje ličnih vještina i kompetencija.



PRVI ČAS KURSA "UMJETNOST ŽIVOTA" – THE ART OF LIVING!



Centar za mlade INPUT sa zadovoljstvom otvara vrata kreativnim aktivnostima za djecu i mlade uzrasta 7+ godina. Na našem prvom času, učesnici su istraživali različite tehnike slikanja i umjetnosti pod vodstvom naše posvećene volonterke Naide, koja se pobrinula za sve organizacione aspekte. U opuštenoj i inspirativnoj atmosferi, mladi umjetnici su započeli svoje putovanje u svijet umjetnosti.

AKTIVNOSTI U JULU

UVOD U 3D MODELIRANJE U STEM MAKERSPACE LABU

Centar za mlade INPUT je u prostorijama STEM MakerSpace Laba organizirao uvodni čas za djecu i mlade u JU "Dom-porodica". Ovaj događaj bio je pun uzbuđenja i novih iskustava! Djeca su imala priliku upoznati se s prostorom koji će koristiti, kao i s našim divnim volonterima i članovima INPUT Centra. Na ovom času, djeca su istraživala različite programe i aplikacije, i upoznavala se s njihovim funkcionalnostima. Također, pravili smo privjeske koje ćemo na narednim časovima izrađivati pomoću 3D printera!



RADIONICA ZA ŽENE: MARKETING NA DRUŠTVENIM MREŽAMA

U organizaciji Udruženja mladih "Forte" iz Tešnja održana je radionica u prostorijama Tech Laba u Tešnju za žene na temu marketinga na društvenim mrežama. Gost predavač bio je Adi Salčinović, direktor Centra za mlade INPUT. Adi je održao inspirativno predavanje uz praktičan rad, gdje su polaznice imale priliku upoznati se s različitim društvenim mrežama kao što su Facebook, Instagram i LinkedIn. Jedan od ključnih segmenata radionice bio je posvećen izradi covera u jednostavnom i zanimljivom online alatu Canva



OTVORENJE CODERDOJO ŠKOLE PROGRAMIRANJA U CENTRU ZA MLADE INPUT



Sa ponosom najavljujemo svečano otvorenje četvrte CoderDojo škole programiranja u Zenici. Program se realizuje u saradnji sa Bit Alijansom i Centrom za mlade INPUT, u prostorijama Centra za mlade INPUT, u sklopu aktivnosti "Ljeto u Centru za mlade INPUT". Cilj ovog projekta, pored sticanja novih znanja, je upoznati učenike sa mogućnostima koje nudi IT sektor i motivisati ih da iskoriste svaku priliku za učenje i usavršavanje svojih IT vještina. Većina polaznika izjasnila je da planira nastaviti sa sticanjem znanja u oblasti informacionih tehnologija i u budućnosti

AKTIVNOSTI U JULU

ODRŽAN PRVI YOUTH MEET UP U CENTRU ZA MLADE INPUT



Naš događaj, posvećen informisanju i poticanju mladih ljudi da budu aktivni i uspješni u ostvarivanju svojih ciljeva, bio je izuzetno uspješan. Na YOUth Meet Up-u smo imali čast ugostiti četiri stipendistkinje Bosana Foundation, koje su velikodušno podijelile svoja iskustva i pružile dragocjene savjete o procesu apliciranja za stipendiju Bosana Foundation. Stipendistkinje su govorile o svojim osobnim iskustvima, izazovima i uspjesima koje su doživjele kao korisnice ove prestižne stipendije. Zahvaljujemo našim gošćama Vildani Hodžić, Amini Mehinović, Emi Smriko i Aidi Dizdarević.

ZAVRŠNI ČAS CODERDOJO ŠKOLE PROGRAMIRANJA U CENTRU ZA MLADE INPUT

Održan posljednji čas CoderDojo škole programiranja u Centru za mlade INPUT. Naši polaznici su uspješno završili program, savladavši osnove Python programiranja kroz praktične projekte, interaktivne kvizove i kreativne zadatke. Ovaj program, realizovan u saradnji sa Bit Alijansom, bio je izuzetno uspješan. Polaznici su pokazali izvanredan napredak, ne samo u tehničkim vještinama, već i u sposobnosti kritičkog razmišljanja, rješavanja problema i timskog rada.



ZAVRŠETAK KURSA ENGLESKOG JEZIKA I PODJELA CERTIFIKATA!



Uspješno smo priveli kraju naš kurs engleskog jezika za djecu uzrasta od 7 do 10 godina! Naša mala grupa polaznika pokazala je izvanredan napredak tokom proteklog mjeseca. Kroz metodu Total Physical Response (TPR) i učenje kroz igru, djeca su stekla osnovne vještine u govoru i razumijevanju engleskog jezika. Svaki čas je bio ispunjen smijehom, učenjem i novim prijateljstvima. Na svečanoj ceremoniji podijelili smo certifikate o uspješno završenom kursu. Ponosni smo na svakog polaznika i njihov trud koji su uložili u savladavanje engleskog jezika. Njihov entuzijizam i motivacija bili su inspiracija za sve nas.

AKTIVNOSTI U AUGUSTU

CENTAR ZA MLADE INPUT NA TRENINGU - DIGI:MON

Predstavnik Centra za mlade INPUT, Adi Salčinović, prisustvovao je treningu na kojem je imao priliku slušati predavanja Haruna Šabanovića, predsjednika Vijeća/Savjeta mladih Brčko distrikta BiH i Irme Rešidović, program koordinatorice Vijeća mladih Federacije BiH. Razgovarali su o trenutnom stanju zakonske regulative i mogućnostima za poboljšanje lokalnih omladinskih politika.



USPJEŠNO OBILJEŽEN MEĐUNARODNI DAN MLADIH U CENTRU ZA MLADE INPUT



Centar za mlade INPUT je 12.08.2024. godine s ponosom obilježio Međunarodni dan mladih kroz događaj koji je okupio mlade talente iz Zeničko-Dobojskog Kantona. Ovaj događaj, organizovan u sklopu projekta "Budućnost je ovdje: Mladi za razvoj Zeničko-Dobojskog Kantona", bio je pravi uspjeh i pokazao je koliko mladi mogu doprinijeti svojoj zajednici.

INSPIRACIJA MLADIMA: NADIJA SALČIN U CENTRU ZA MLADE INPUT I RTV ZENICI

Centar za mlade INPUT posjetila je ekipa RTV Zenica kako bi snimili prilog s našom članicom, talentiranom mladom autoricom Nadijom Salčin iz Centra za mlade INPUT. Nadija je počela pisati sa samo dvanaest godina, a nedavno je izdala svoju prvu knjigu, zbirku poezije pod nazivom "Tratinčice, voli me - ne voli me?" Ova prekrasna zbirka posvećena je njenom mlađem ja, djevojčici koja je voljela sanjati.



VRIJEDNI PRAKTIKANTI U CENTRU ZA MLADE INPUT!



Naši studenti praktikanti su se posvetili razvoju aplikacije, gdje su imali priliku primijeniti svoje znanje sa fakulteta, ali i naučiti nešto novo. Radili su s velikim entuzijazmom, koristeći modernu opremu u našem Centru, koja im je bila izuzetno korisna u savladavanju novih izazova. Kroz rad na različitim aspektima aplikacije, naši praktikanti uče ali se i zabavljaju u opuštenoj atmosferi našeg Centra.

AKTIVNOSTI U AUGUSTU

POSJETA CRVENOG KRIŽA CENTRU ZA MLADE INPUT - EDUKACIJA O VAKCINACIJI PROTIV MORBILA



Centar za mlade INPUT ugostio je predstavnike Crvenog križa Grada Zenice u svojim prostorijama! Oni su za naše članove i volontere organizovali izuzetno važnu edukaciju o značaju vakcinacije protiv morbila. Kroz interaktivno predavanje, naši članovi su imali priliku da saznaju više o tome kako vakcinacija ne samo da štiti pojedince, već i cijelu zajednicu. Edukatori su naglasili važnost pravovremenog vakcinisanja kako bismo svi zajedno doprinisili očuvanju zdravlja i sprečavanju širenja morbila.

TEAM BUILDING AVANTURA- ZA JAČI I USPJEŠNIJI CENTAR ZA MLADE INPUT!

Naš Centar za mlade INPUT organizovao je nezaboravan team building 22.08.2024. godine, a dan je bio ispunjen sjajnim trenucima i pozitivnom energijom! Jedan dio naših zaposlenih, članova, volontera i praktikanata su proveli fantastičan dan na predivnoj Lastavici. Počeli smo dan uživajući u ukusnom roštilju i sjajnom druženju. Nakon toga, uslijedile su sportske aktivnosti. Jedan od ključnih elemenata dana bile su radionice koje smo održali. Kroz ovu zajedničku aktivnost, učvrstili smo temelje za daljnji rast i razvoj Centra, gdje svako ima priliku doprinijeti i osjećati se dijelom zajedničke misije.



ISKUSTVA SA PRAKSE: TEA I SAMRA DIJELE SVOJA INSPIRATIVNA PUTOVANJA!



Naše dvije izuzetne praktikantice, Tea i Samra, uspješno su završile praksu u Centru za mlade INPUT, a svoje inspirativno iskustvo podijelile su s nama. Tea je izjavila: "Svaki dan je bio nova prilika za rast, učenje i uživanje u kreativnom procesu s talentovanim kolegama." Samra je dodala: "Kreativni izazovi su mi pomogli da se razvijam i da stičem nova znanja"

AKTIVNOSTI U SEPTEMBRU

PRVI ČAS KURSA ENGLESKOG JEZIKA USPJEŠNO ODRŽAN!

Održan prvi čas našeg kursa engleskog jezika! Naši polaznici su uz puno entuzijazma započeli svoje jezičko putovanje kroz raznovrsne i interaktivne aktivnosti koje im pomažu da na zabavan način savladaju engleski jezik. Atmosfera je bila puna energije i pozitivnih vibracija, a naši polaznici su pokazali veliku motivaciju i želju za učenjem.



EDUKACIJA I SARADNJA: CENTAR ZA MLADE INPUT U POSJETI CENTRU POZITIVNE PRAKSE



Centar za mlade INPUT posjetio je Centar pozitivne prakse u Brezi, gdje smo proveli edukativan i inspirativan dan! Naš direktor, Adi Salčinović, govorio je o online sigurnosti, prevenciji internet prevara, zaštiti privatnih podataka, te prednostima društvenih mreža za povezivanje i informiranje, kao i važnost pozitivnog korištenja interneta.

URUČENI CERTIFIKATI POLAZNICIMA ŠKOLE PROGRAMIRANJA CODERDOJO ZENICA

U Centru za mlade INPUT održana je svečana dodjela certifikata za 20 polaznika CoderDojo škole programiranja Zenica! Naši mladi programeri uspješno su završili kurs Python programiranja, kroz koji su stekli ključne IT vještine uz pomoć praktičnih zadataka, kvizova i interaktivnih projekata.



KREATIVNI DAN U CENTRU ZA MLADE INPUT: UČENICI OŠ "VLADIMIR NAZOR" SAVLADALI 3D MODELIRANJE - STEM TALENT



Ugostili smo učenike osmog razreda JU OŠ "Vladimir Nazor" Zenica, u okviru projekta STEM TALENT u Centru za mlade INPUT, te održali kreativnu radionicu 3D modeliranja i printanja! Učenici su imali priliku naučiti kako od ideje doći do stvarnog predmeta koristeći najmoderniju tehnologiju 3D printera. Uz podršku našeg mentora i vrijednih praktikanata, svaki učenik je izradio svoj jedinstveni privjesak, koji su ponijeli kući kao suvenir i uspomenu na ovaj poseban dan.

AKTIVNOSTI U SEPTEMBRU

CENTAR ZA MLADE INPUT I STEM CENTAR NA OVOGODIŠNJEM SPINIT DOGAĐAJU!

Prisustvovali smo ovogodišnjem SpinIT događaju, jednom od najvažnijih IT okupljanja godine, gdje smo imali priliku predstaviti naš rad i projekte iz područja tehnologije, edukacije i inovacija! Naša ekipa je pokazala kako se u Centru za mlade INPUT i STEM Centru mladi mogu educirati o najnovijim tehnologijama, uključujući programiranje, robotiku, elektroniku, 3D modeliranje i printanje. Posebno smo ponosni na mlade entuzijaste koji su kroz naše programe i praksu razvili vještine potrebne za izazove digitalne budućnosti!



CENTAR ZA MLADE INPUT OBILJEŽIO SVJETSKI DAN ČIŠĆENJA



U subotu, 21. septembra 2024. godine, Centar za mlade INPUT uspješno je obilježio Svjetski dan čišćenja, uz podršku svojih vrijednih volontera. U okviru ove akcije, zajedničkim naporima čistili smo dvorište Centra za mlade INPUT i okolni prostor, doprinoseći očuvanju čistoće i ljepote našeg grada. Svjetski dan čišćenja nas podsjeća da mali koraci, kada ih poduzimamo zajedno, mogu napraviti veliku razliku.

MLADI LIDERI IZ BIH U CENTRU ZA MLADE INPUT NA NEFORMALNOM DRUŽENJU

Tokom vikenda, Centar za mlade INPUT ugostio je mlade predstavnike omladinskih organizacija iz cijele Bosne i Hercegovine, koji su učestvovali u trodnevnom treningu pod nazivom "Istraživanje i zagovaranje u svrhu poboljšanja mladih u BiH" u okviru projekta DIGI:MON.



"72 SATI BEZ KOMPROMISA" U CENTRU ZA MLADE INPUT



Centar za mlade INPUT uzeo je učešće u velikoj volonterskoj akciji "72 sata bez kompromisa" od 27.09. do 29.09., koju je na području BiH organizira Nadbiskupijski centar za pastoral mladih Ivan Pavao II. Ova jedinstvena inicijativa naglašava brz i efikasan angažman mladih u rješavanju društvenih izazova, potičući ih da se aktivno uključe u svoje zajednice i preuzmu odgovornost za pozitivnu promjenu. Aktivnost se realizovala u našem Centru i JU "Dom Porodica" Zenica.

AKTIVNOSTI U OKTOBRU

STIPENDISTI FONDACIJE HASTOR U CENTRU ZA MLADE INPUT!

Centar za mlade INPUT ugostio je stipendiste Fondacije HASTOR, koji su održali svoj redovni sastanak. Fondacija HASTOR je jedna od vodećih organizacija koja podržava obrazovanje i razvoj mladih u Bosni i Hercegovini. Stipendisti su imali priliku povezati se, razmijeniti iskustva, te razgovarati o daljnim koracima na svom obrazovnom i profesionalnom putu.



NAŠI POLAZNICI KURSA ENGLESKOG JEZIKA U CENTRU ZA MLADE INPUT ŽELE SRETAN SVJETSKI DAN UČITELJA!



Uz pomoć svoje učiteljice Edmire Salčinović, naši polaznici su stekli nova znanja i razvili sigurnost u korištenju engleskog jezika. Njihov napredak je rezultat posvećenog rada i strpljenja koje učiteljica svakodnevno ulaže u procesu učenja. Ponosni smo na sve naše polaznike koji su od početnih koraka sada u stanju komunicirati na engleskom jeziku, a ovaj napredak je najbolji pokazatelj koliko su učitelji važni.

EVROPSKA SEMDICA KODIRANJA U CENTRU ZA MLADE INPUT!

Danas su naši mali programeri zakoračili u svijet tehnologije na radionici "Kodiraj svoju budućnost: Misli kao programer". Uz osmijehe i puno entuzijazma, učenici su kroz zabavne zadatke učili osnovne koncepte programiranja, razvijali logičko razmišljanje i rješavali izazove kao pravi programeri!



MALI INŽENJERI IZ PRVE OSNOVNE MONTESSORI ŠKOLE U AKCIJI!



Posjetili su nas učenici Prve osnovne Montessori škole, koji su učestvovali na našoj radionici "Mali inženjeri u akciji" u Centru za mlade INPUT. Na radionici su se učenici upoznali sa platformom Scratch i osnovama blokovskog programiranja. Kroz interaktivne zadatke, prvo su uz pomoć mentora kreirali likove i animacije, a zatim su imali priliku da sami stvore vlastite kreativne projekte prema vlastitim željama.

AKTIVNOSTI U OKTOBRU

UČENICI DRUGE GIMNAZIJE ZENICA U CENTRU ZA MLADE INPUT: 3D MODELIRANJE I PRINTANJE!

Povodom obilježavanja Evropske sedmice kodiranja, u gostili smo učenike Druge gimnazije Zenica, koji su učestvovali na radionici "Pretvori ideju u stvarnost: 3D modeliranje i printanje". Učenici su imali priliku upoznati se s popularnom platformom Tinkercad i istražiti njene mogućnosti u dizajniranju 3D objekata. Uz stručnu pomoć mentora, dizajnirali su vlastite 3D modele, privjeske sa svojim imenom, koje su zatim spremili u odgovarajućem formatu za 3D printanje.



TEHNIČKA ŠKOLA ZENICA UPOZNAJE SVIJET 3D MODELIRANJA I PRINTANJA!



Centru za mlade INPUT ugostio je učenike Tehničke škole Zenica, koji su učestvovali na našoj radionici u okviru projekta "STEM TALENT" i obilježavanja Evropske sedmice kodiranja, "Pretvori ideju u stvarnost: 3D modeliranje i printanje". Učenici su imali priliku upoznati se sa popularnom platformom Tinkercad i istražiti njene mogućnosti u dizajniranju različitih 3D objekata.

EDUKACIJA ZA ŽENE TREĆE ŽIVOTNE DOBI: UPOZNAJMO SE SA TEHNOLOGIJOM!

Centar za mlade INPUT, na poziv Udruženja "Žene Jalije", organizovao je u svojim prostorijama edukacije za članice udruženja - žene treće životne dobi, kako bi ih osnažili za korištenje mobilnih telefona i digitalnih alata u svakodnevnom životu. Kroz interaktivne radionice, učesnice su naučile osnovne i napredne postavke mobilnih telefona, upravljanje kontaktima, korištenje aplikacija za komunikaciju, te važne korake za zaštitu i sigurnost svojih podataka.



AKTIVNOSTI U NOVEMBRU

CENTAR ZA MLADE INPUT UČESTVUJE U PROJEKTU „POVEZIVANJE TAČAKA 2“



Centar za mlade INPUT učestvuje u projektu „Povezivanje tačaka 2 - Unapređenje učešća djece u donošenju odluka za poboljšana prava djeteta i demokratije u BiH“ finansiranog od strane Evropske unije. Tokom radionice razgovarali smo o osnovnim principima Etičkog kodeksa i važnim temama kao što su rodna ravnopravnost, socijalna inkluzija i prevencija nasilja nad djecom i mladima .

USPJEŠNOST "STEM TALENT" PROJEKTA CENTRA ZA MLADE INPUT!

U okviru projekta STEM TALENT, Centar za mlade INPUT organizovao je niz kreativnih i edukativnih radionica za učenike osnovnih i srednjih škola, pružajući im priliku da zakorače u svijet tehnologije i inovacija. Kao rezultat uspjeha ove radionice i projekta s ponosom spominjemo učenika koji nas je inspirisao kontaktirao s željom da isprinta 3D modele koje je samostalno dizajnirao! Njegov primjer pokazuje koliko edukacija može motivirati mlade da se dodatno angažuju i nastave istraživati svijet tehnologije.

STEM AVANTURA: ISTRAŽIVANJE VIRTUALNOG SVIJETA I 3D MODELIRANJA!

U sklopu projekta STEM Avantura, održana je inspirativna radionica u Centru za mlade INPUT! Učesnici su imali priliku zaviriti u virtualni svijet koristeći VR naočale i doživjeti tehnologiju budućnosti iz prve ruke.



POČETAK IMPLEMENTACIJE PROJEKTA “CODESPARK”!



Centar za mlade INPUT započeo je implementaciju novog projekta "CodeSpark: Bolja budućnost za mlade" sa edukacijom programiranja. U našim prostorijama učenici su napravili prve korake u svijetu programiranja koristeći Python – jedan od najpopularnijih programskih jezika današnjice. Radionica je bila ispunjena znatiželjom, učenjem i pozitivnom energijom, dok su učenici kroz zanimljive primjere i praktične zadatke otkrivali osnove kodiranja. Ova edukacija je tek početak njihovog uzbudljivog puta prema IT karijeri i razvoju digitalnih vještina koje će ih pripremiti za svijet budućnosti.

AKTIVNOSTI U NOVEMBRU

PREDSTAVLJAMO NAIDU BURKIĆ

Naida Burkić je mlada, kreativna i izuzetno talentirana djevojka koja je svojim radom i zalaganjem postala neizostavan član Centra za mlade INPUT. Iako je svoju strast prema sportu razvijala kroz košarku, njezin stvaralački potencijal dolazi do izražaja u umjetnosti. Naida je svojim talentom i predanošću vodila likovne radionice, stvarala predivne murale, te oživljavala stari namještaj kroz oslikavanje, čime je unijela umjetnost u svakodnevni život svih nas.



POSJETA MEDICINSKOJ ŠKOLI ZENICA



Predstavnici Centra za mlade INPUT posjetili su danas Medicinsku školu Zenica, gdje su se sastali s direktoricom škole kako bi razgovarali o budućim zajedničkim aktivnostima i saradnji. Tom prilikom, direktor Centra za mlade INPUT Adi Salčinović uručio je zahvalnicu direktorici Medicinske škole Nedžadi Alispahić, kao znak zahvalnosti za dosadašnje učešće i podršku škole u našim projektima i aktivnostima.

EVROPSKA SEDMICA ROBOTIKE U CENTRU ZA MLADJE INPUT!

Povodom Evropske sedmice robotike, organizovali smo besplatne radionice u prostorijama Centra za mlade INPUT i STEM Centra, gdje smo ugostili učenike osnovnih škola i mališane iz vrtića. Učenici OŠ "Edhem Mulabdić" su sa nama uplovili u svijet nauke, tehnologije, inženjerstva, matematike, robotike i programiranja.



SVJETSKI DAN DJETETA OBILJEŽEN UZ RADOST I INOVACIJE!



Povodom Svjetskog dana djeteta, Centar za mlade INPUT i STEM Centar organizovali su besplatne radionice za učenike osnovnih škola i djecu iz predškolskih ustanova. Tim povodom posjetili su nas učenici iz OŠ "Vladimir Nazor", koji su imali priliku istražiti svijet robotike i programiranja kroz zabavne i edukativne aktivnosti. Zajedno gradimo bolju budućnost za našu djecu!

AKTIVNOSTI U NOVEMBRU

NOVA SARADNJA ZA JAČANJE OBRAZOVANJA I PRILIKA ZA MLADE!



Centar za mlade INPUT i Filozofski fakultet Univerziteta u Zenici zvanično su potpisali sporazum o saradnji! Ova saradnja ima za cilj unapređenje obrazovnih, kulturnih i društvenih mogućnosti za mlade, studente i širu zajednicu. Zajedničkim snagama želimo osnažiti mlade ljude i pružiti im alate za uspjeh u 21. stoljeću. Zahvaljujemo se Filozofskom fakultetu UNZE na ukazanom povjerenju i radujemo se budućim zajedničkim projektima!

AKTIVNI VIKEND U CENTAR ZA MLADE INPUT

Vrijedne stipendistkinje Fondacije Hastor provele su u prostorijama Centra za mlade INPUT vikend uz razne aktivnosti. Uz mnogo truda i posvećenosti, rješavale su svoje zadatke i usvajale nova znanja. Ponosni smo što je naš Centar za mlade INPUT mjesto gdje mladi imaju priliku učiti, napredovati i razvijati se!



TRADICIONALNO OBILJEŽAVANJE DANA DRŽAVNOSTI BIH U JU "DOM PORODICA" ZENICA



Članovi i volonteri Centra za mlade INPUT posjetili su JU "Dom porodica" Zenica kako bi zajedno s djecom i mladima obilježili Dan državnosti naše domovine. Uz prigodan program, druženje i kolačiće ukrašene zastavicama BiH, dan je protekao u atmosferi radosti i ponosa.

POSJETA PREDSTAVNIKA UNIJE STUDENATA UNIVERZITETA U ZENICI CENTRU ZA MLADE INPUT!

Centar za mlade INPUT ugostio je predstavnike Unije studenata Univerziteta u Zenici. Povod ove posjete bila je zajednička saradnja i razgovor o budućim aktivnostima i projektima koji će donijeti benefite svima, a posebno mladima u našoj zajednici. Iskoristili smo priliku da predstavnicima pokažemo prostorije našeg Centra, kao i opremu i materijale kojima raspolažemo..



AKTIVNOSTI U DECEMBRU

ŽIVOTNA ŠKOLA – KAO VODIČ ZA USPJEH!

Projekat "Životna škola" se uspješno realizuje, a naši polaznici vrijedno rade na usavršavanju svojih vještina kroz radionice i edukacije. Mladi od 15 do 30 godina već pokazuju nevjerovatne rezultate kroz naše radionice i edukacije!

Poseban akcenat stavljen je na kreiranje Pasoša kompetencija – jedinstvenog dokumenta koji služi kao vodič za prepoznavanje ličnih snaga i planiranje daljnjeg razvoja.



POTPISAN SPORAZUM O SARADNJI S MEDICINSKOM ŠKOLOM ZENICA



Centar za mlade INPUT s ponosom objavljuje da smo zvanično potpisali sporazum o saradnji s JU Medicinska škola Zenica. Ovo partnerstvo predstavlja važan korak ka unapređenju obrazovanja i osnaživanju mladih kroz zajedničke projekte, istraživanja te organizaciju i realizaciju raznih aktivnosti.

MEĐUNARODNI DAN VOLONTERA - SLAVIMO SNAGU ZAJEDNIŠTVA I SOLIDARNOSTI!

Volonterizam je srce pozitivnih promjena u društvu, a omladinski aktivizam stub našeg djelovanja. Cilj Centra za mlade INPUT je potaknuti mlade na aktivno uključivanje u društvene projekte, pružiti im priliku da razvijaju svoje vještine i grade samopouzdanje, dok istovremeno doprinose zajednici i stvaraju mrežu pozitivnih odnosa. Svaki angažman u zajednici donosi ne samo korist za druge, već i osobni rast i zadovoljstvo. Tome svejdoče naši brojni volonteri od kojih danas izdvajamo Adina i Nejru, stipendiste Fondacija Hastor. Njihova energija i posvećenost pokazuju kako volonterizam ne samo da unapređuje društvo već i obogaćuje život volontera. Hvala svim volonterima koji svojim trudom i entuzijazmom svakodnevno mijenjaju svijet nabolje. Vi ste inspiracija i snaga koja pokreće promjene! Pridružite se našim volonterskim aktivnostima i postani dio ove globalne priče solidarnosti!



AKTIVNOSTI U DECEMBRU

SAT KODIRANJA U CENTRU ZA MLADE INPUT!

U Centru za mlade INPUT smo s ponosom obilježili Sat kodiranja kroz radionicu koja je dio našeg projekta "STEM TALENT". Na radionici su učenici Druge gimnazije Zenica zajedno sa svojom profesoricom Indrom Hukić-Smajić imali priliku zakoračiti u svijet elektronike, robotike i programiranja. Naučili su kako pomoću Arduino kontrolera kreirati semafor – od simulacije na računalu do njegove realizacije i programiranja.




CENTAR ZA MLADE INPUT U POSJETI MEDICINSKOJ ŠKOLI ZENICA!



UPOZNAJTE NAŠE VRIJEDNE I AKTIVNE ČLANOVE!

Povodom Dana nauke, s ponosom ističemo naše vrijedne i talentovane članove: Naidu Burkić, Eldara Deronju i Amnu Bečak, studente Softverskog inženjerstva na Politehničkom fakultetu Univerziteta u Zenici. Naida, Eldar i Amna redovno posjećuju Centar za mlade INPUT, gdje aktivno rade na svojim projektima, istražuju nove tehnologije i razvijaju inovativna rješenja.



Centar za mlade INPUT održao je inspirativnu radionicu 3D modeliranja i printanja za učenike JU Medicinska škola Zenica. Kroz interaktivno predavanje i praktičan rad, učenici su savladali osnove 3D modeliranja i upoznali se sa platformom Tinkercad, koja im omogućava da razviju kreativnost i osmisle vlastite projekte.

USPJEŠNO ZAVRŠENA EDUKACIJA U OKVIRU PROJEKTA "CODESPARK"!


U sklopu projekta "CodeSpark: Bolja budućnost za mlade", uspješno smo održali još jednu radionicu gdje se druga grupa polaznika upoznala sa osnovama HTML-a i CSS-a. Na kraju edukacije, uručili smo certifikate svim polaznicima za njihov trud i uspješno savladano gradivo. Ovo je bio samo prvi korak u njihovom putovanju ka savladavanju digitalnih vještina koje će im otvoriti vrata novih mogućnosti!



AKTIVNOSTI U DECEMBRU

RADIONICA 3D MODELIRANJA I PRINTANJA NA FILOZOFSKOM FAKULTETU UNZE!

Centar za mlade INPUT održao je inspirativnu radionicu na Filozofski fakultet Univerziteta u Zenici, gdje su profesori, asistenti i studenti imali priliku ući u svijet 3D tehnologije! Učesnici su se upoznali s osnovama 3D modeliranja i printanja kroz rad na platformi Tinkercad, a dodatno su mogli osloboditi svoju kreativnost izrađujući vlastite 3D modele privjesaka.




ODRŽANA EDUKACIJA: PRVI KORACI S MBOTOVIMA U OKVIRU INPUT MAKERSBOT LIGE!



U okviru projekta INPUT MakersBot Liga, održana je prva edukacija gdje su učesnici imali priliku upoznati se s mBot robotima i osnovama njihovog rada. Polaznici su saznali kako funkcioniše mBot i kako ga koristiti, učili osnovne principe blok-programiranja, te kroz praktičan rad istražili mogućnosti ovog edukacijskog robota. Ova edukacija predstavlja ključni korak u pripremi mladih za svijet tehnologije.

ODRŽANA EDUKACIJA U OKVIRU PROJEKTA "KAP ZA MLADE"!

Centar za mlade INPUT održao je edukaciju u sklopu projekta "Kap za mlade". Cilj projekta je osnažiti mlade, pružiti im priliku da steknu ključne vještine i znanja koja će im pomoći na njihovom profesionalnom i ličnom putu, te ih pripremiti za izazove modernog društva. Prvi dio edukacije bio je posvećen pisanju motivacionog pisma, drugi dio radionice bio je praktičan i inovativan



NOVOGODIŠNJE DRUŽENJE U CENTRU ZA MLADE INPUT!



Kraj godine donosi priliku da se osvrnemo na sve uspjehe, prijateljstva i saradnje koje su obilježile proteklih 12 mjeseci. U tom duhu, sa velikim zadovoljstvom smo organizovali posebno novogodišnje druženje za učenike Osnovne škole "Vladimir Nazor", koje je predvodila njihova nastavnica Aldina Nadžaković. Program druženja uključivao je zanimljive i kreativne aktivnosti i interaktivne igre koje su dodatno podstakle njihovu maštu i timski duh.

SPACE
Lab
JU „Dom Porodica“ Zenica
Centar za mlade
INPUT

Inspirisani mladima

CENTAR ZA MLADE INPUT